



UNIVERSITÄTS-
BIBLIOTHEK
PADERBORN

**Francisci Montmorencii E Societate Iesv Cantica Et Idyllia
Sacra**

Montmorency, François de

Antverpiae, 1638

David Giganticida. ex lib. 1. Regum.

[urn:nbn:de:hbz:466:1-69423](#)

DAVID GIGANTICIDI IDYLLION.

*Flavius Iosephus hoc
Epinicum alternis
cantatum fuisse tra-
dit; ut nup-
ta mulie-
res præcine-
rent, succi-
nerent vir-
gines.*

ARGUMENTVM.

Cæso GOLIATH, obuiam prodeuntes SAV-
LI, & DAVIDI victori hinc nuptæ mu-
lieres, inde virgines Hebræx, canunt
Epinicum.

VIRGINES.

Pompæ matrum chorū
obuius exit.

Tympana iam manibus, iam sistra lo-
quacia sumunt;
Iam canere incipiunt, & respondere iubemur.
Alternis quoniam vult hæc Victoria dici.

N V P T Æ.

Hunc purum sine nube diem, Sol alme, re-
ducis
Isacidis, sudiq[ue] renident cœrula cœli.
Scilicet arridet nitor ætheris ille Saüli,
Dum remeat patrias palmis insignis ad arcēs.
Nos decet insignem palmis celebrare Saülem:
Mille Saül, patriæ Seruator, sustulit hostes.

VIRGINES.

Hoc melius viret herba die, pratumque puellis
Sufficit



*Sufficit uberius violas in sarta, crocumque,
Parthenicemque: legi florum cupid obvia messis:
Nempe suo properant Dauidi rura coronam;
Huic quoque Victori nos carmina lata ca-
namus.*

Mille Saül, decies sed Dauid mille peremit.

N V P T Æ.

*Testis Asecanā terebinthus consita valle
Quantus in arma Saül rueret, quo turbine tela
Nuper in Allophylos curru torqueret ab alto;
Puniceis galeam cristi indutus, & auro
Loricam, auratis & fulgida cingula bullis.
Mille Saül, patriæ Servator, sustulit hostes.*

V I R G I N E S.

*Testis Asecanis Torrens qui vallibus errat,
Flanus ut hinc Dauid collectos quinque lapillos
Miseric in peram. Moturus bella giganti,
Esse satis fundam sibi duxit. Ab aethere tanta
Nimirum puer fiducia venit inermi.
Mille Saül, decies sed Dauid mille peremit.*

N V P T Æ.

*Quot peditum cuneos, equitum quot miserat
alas
Gaza potens? in nos Chananitis denique tota
Contulerat iunctas iniusto fœdere vires.
Has tamen, ut messor flauentes sternit aristas,
Diruit*

*Diruit ense Saül; sparsitque volucribus escam
Mille Saül, patriæ Seruator, sustulit hostes.*

VIRGINES.

*Quid, quòd ab Enachia Titanum stirpe pro-
fectus*

*Par Libano Golias monti, Dux agmen agebat,
Ipse Palæstinis unus magni agminis instar?
Hunc, velut aëriam resupinat turbo cupressum,
Exanimem mediâ Dauid porrexit arenâ.
Mille Saül, decies sed Dauid mille peremit.*

N V P T Æ.

*Arboribus gestanda Saül suffixit opima
Denictis spolia Allophylis. Sublimia ramos
Æsculeos curuant ingenti mole tropheâ:
Tota Palæstinis Ephronia silua superbit
Exuuijs, Macedæque nemus Victoria vestit.
Mille Saül, patriæ Seruator, sustulit hostes.*

VIRGINE S.

*Postibus arma sacrâ Dauid suspendit, & ensem
Votium Goliae veteres Silonis ad Aras.
Nos ibi grata Deo bisquinis carmina chordis,
Voce vel argutâ, quoniam cantabimus anno,
Vsque tui memores, Dauid formose, triumphi.
Mille Saül, decies sed Dauid mille peremit.*

F A-

